

etissimo expectari possunt. Nos in id incumbemus unice, ut, qui commendationi nostræ pondus inesse passi fuerint, vicissim studia atque officia nostra, sibi suisque quam promptissima extitisse intelligent. Quibus omnibus ut maior accederet fides, hasce literas facultatis nostræ Sigillo muniri iussimus quæ dabantur VI. Id. Maj. MDCXVI.

(L. S.) *Joann. Jacob. Feschius J. V. D.  
Collegii JCtor. Basiliensium  
Decanus & Reip. Syndicus  
subscrip.*

**I.**

*Christiani a Brandenst.*

ORDINAR. SENIOR. & RELIQ. DDRES  
FACULT. JUR. in ACAD. LIPSIENS. omni-  
bus ac singulis

L. S.

Recte fecit Nobiliss. & doctiss. XV. annorum  
adolescens *Christianus a Brandenstein*, qui aliquando patriæ & Reip. utiliter inservire, remis velisque contendit, quod præter pietatis, & humiorum artium studia, quæ summa animi alacritate & contentione ursit, Juris & Legum quoque disciplinæ ceu arti æqui & boni operam strenue navavit, inque ea tam præclaras progressiones fecit, ut cum viris & adolescentibus doctiss. & nobiliss. publice in schola nostra congregari, & cum illis de gravissimis materiis non sine singulari sui laude differere non dubitarit. Etenim non tantum